

dioli peritiores evadere possint, suscipitur. 3. Nec cadaveribus ulla inde attrahitur contumelia, sed id commodi potius iis accedit, ut ossa sepeliantur & terræ mandentur, quod aliàs non fieret. 4. Non cuivis exercitium Anatomicum permittendum, sed Judicis arbitrio relinqvendum, quæ cadavera ad Anatomiam concedi debeant. 5. Nemini, extra Academiam, vel publicam scholam, exercitium Anatomicum permittendum, quia restrictum est ad facultatem Medicam, privilegiatam. 6. Licentia dissectionis à Principe impetranda.

DE ECCLESIA, QUAM FIN- GUNT PONTIFICII SUB TERRA. QVÆSTIONES.

1. An sit limbus infantum?

Neg. 1. Quia Scriptura hoc figmentum ignorat. *Meminit enim duorum saltem locorum, quo animæ post secessum à corpore deveniunt, cæli scilicet & inferni.* 2. Haustum est ex Poëtarum gentilium lacunis. 3. Nititur falsa hypothese, absolutâ nimirum Baptismi necessitate. *Objic. Pontificij:* 1. Nisi quis renatus fuerit ex aqua & Spiritu, non potest ingredi regnum cælorum, *Job. 3, 5.* 2. Damnari illum, qui non credit in Christum, *v. 14. 15.* 3. Unius hominis delicto omnes reos factos esse æternæ damnationis, *Rom. 5, 16.* Resp. 1. Dicitum Johannis non tam de *privations*, quàm *contemptu* Baptismi agit. 2. Infantes non baptisati donari possunt fide & Sp. S. exemplo Baptiste. 3. Sed Christus nos redemit à periculo damnationis, *v. 18.*

2. An sit limbus Patrum?

Neg. 1. Scriptura illum ignorat. Hinc Lombardus ex fictitio Nicodemi Evangelio illum probat. 2. Nec ex vetustis Patribus propugnari potest. *Scholastici suas sibi habeant fabellas.* *Objic. Bellarminus:* 1. Descendam ad filium meum in Scheol, *Gen. 37.* 2. Animam Samuelis ab inferis (*ex limbo*) mediante Pythonissa, esse revocatam, *1. Sam. 28, 13.* 3. Eduxisti eos de lacu, in quo non est aqua, *Zach. 9, 11.* 4. Epulo videt Abrahamum sinu foventem Lazarum, *Luc. 16.* 5. Christus spiritibus iis, qui in carcere erant, prædicavit, *1. Pet. 3, 19.* 6. Ibis ad patres tuos, *Gen. 15, 15.* 7. Tune es, qui venturus est, *Matth. 11, 13.* 8. Abraham vidit diem meum, & lætatus est,

est,